

801 umbe sich siz deckelachen swanc,
vürz bette ûfen tepech spranc
Condwiramurs, diu lieht gemâl.
ouch umbevienc si Parzival.

5 man sagte mir, si kusten sich.
Si sprach: »mir hât gelücke dich
gesendet, herzen vreude mân!«
si bat in willekommen sîn.
»Nû solt ich zürnen. ine mac.

10 geért si diu wile unt dirre tac,
der mir brânte disem umbenvanc,
dâ von mân trûren wirdet kranc.
ich hân nû, des mân herze gert;
sorge ist an mir vil ungewert.«

15 Nû erwachten och diu kindeln,
Kardeiz unt Loherangrin,
die lâgen ûf dem bette al blôz.
Parzivalen des niht verdrôz,
ern kuste si minnecliche.

20 Kyot, der zühte rîche,
bat die knaben dannen tragen.
er begunde och al den vrouwen sagen,
daz si územ gezelte giengen.
si tâtenz, dô si enpfiegen

25 ir hêren von langer reise.
Kyot, der kurteise,
bevalh der künegin ir man;
al die juncvrouwen er vuorte dan.
dennoch was ez harte vruo;

30 kamerære sluogen die winden zuo.

ûfen tepech vür daz b. sp. (si spranc *I*) · ûf einen teppich *T (*L Z*)

g. her (Her gesant *L*) zen (zuo *T) vröuden (Gesendet herre frevde *Z*) mân.« *G (*T)

sælic sî w. unde tac, *G (nur *GI*) · und der tac, *T (*L Z*)

s. ist mînhalp u. (an mir vil vnwert *L*).« *G (nur *GI*) · ist noch an *T

K. und Lohrangrin *T
diu (om. *T) l. *G (*T) · al om. *T *L*

vuorte er *G (*T)

k. sl. zuo. *G (ohne *Z*)

*D: D *m: m V *G: G I L Z *T: U

1 *Initiale L Z* **6** *Majuskel D* **9** *Majuskel D* **13** *Initiale I* **15** *Initiale V · Majuskel D*

7 herzen vreude] herzvröude ([her*]; herze froide *V*) *m 14 vil] om. *m (nur *m*) 17 die] di *D* 20 zühte] zühten *m 21 bat die knaben dannen tragen *m 22 er] und *m (nur *m*) · al den] allen (allen den *V*) *m 30 kamerære] die kamerer ([k*]; kamerere *V*) *m (*I*)